

蛾

術

編

蛾術編卷十九

嘉定王西莊先生原本

吳江

連鶴壽參校
沈楙惠校刊

說字五

卷一上攷證

一部元字注始也从一从兀徐鍇曰元者善之長也故
从一愚袁切案繫傳作从一兀大徐引之云元首也故
謂冠爲元服故從兀兀高也與堯同意俗本有聲字人
妄加之會意蓋本作从一兀聲小徐刪聲字大徐于兀
上加一从字今日若無繫傳人幾不知其本作兀聲矣

案髟部髡字注云鬻髮也从髟兀聲苦昆切髡音與元

近髡从兀聲則元正當从兀聲元兀皆疑母字聲相近

二徐說非也

鶴壽案兀下當有聲字錢竹汀說已見前卷段茂堂亦云以髡从兀聲髡从元聲例

之徐說非是古音元兀相爲平入也

二部帝字重文注古文諸上字皆从一篆文皆从二二

古文上字辛示辰龍童音章皆从古文上俗本辛下有

言字非

鶴壽案帝華帝也从二帝聲別作帝帝皆非借爲帝王字徐鍇曰古文上兩畫上短下長一二

之二則兩畫齊等段茂堂曰古文元作𠂔禮作𠂔辰作𠂔此古文从一小篆从二之證

示部禔字注安福也从示是聲易曰禔既平市支切今

毛板注疏作祗既平經典釋文引鄭云祗當爲坻小正

也京作禪說文同安也周易集解坎九五爻詞坎不盈
祇既平无咎虞翻曰盈溢也艮爲止謂水流而不盈坎
爲平祇安也艮止坤安故祇既平得位正中故无咎愚
謂地道變盈而流謙九五居尊位而體坎互艮艮止坤
安不至盈滿因安致平焉得有咎象傳中未大正美之
也此漢文帝宋仁宗足以當之許氏自言易稱孟氏京
房孟喜之弟子故同作禪此古文也觀鄭康成注漢俗
儒已改爲祇鄭因其義不可通故改祇訓小正但小正
皆平水將泛溢焉得平乎不如虞義善也王弼乃曲說
云爲坎之主而无應輔未能盈坎不盈則險不盡祇辭

也盡平乃无咎也說既平乃无咎則九五未免于咎也
漢易賴李鼎祚得存而其人本不通經雖采虞義仍從
俗學經注皆改禊為祇予所據毛晉就胡震亨本手校
者鶴壽案前旌旂也从二借為神祇字又借為告示字
禊李善文選注引作安也並無禊字京房作禊而虞
翻作祇者是與氏得相假借也若康成改祇為祇是與
氏不得相假借則非矣祇亦在示部適也从示氏聲別
作祇祇皆非
借為神祇字

齋字注戒潔也易繫辭聖人以此齋戒虞氏以一齔絜
齋訓之戒絜猶絜齋洗心曰齋本諸莊子韓伯異端宋
人遵之鶴壽案檢李鼎祚周易集解及近日張惠言周
易虞氏義聖人以此齋戒句下虞氏並未嘗以

一齔絜齋訓之不
知先生所據何本

齋字重文齋字注籀文齋从𩇑省𩇑音禱齊當作从示从𩇑省𩇑音禱齊省聲以意增五字其義乃明備

祀字注祭無已也从示已聲重文禋字注祀或从異今俗別作禋非

祖字注从示且聲則古切案且本古薦肉几略與俎同音與祖同故祖从且得聲尚書牧誓爾所弗勗鄭康成注所猶且也明且音與所近故訓所爲且見史記周本紀集解詳尚書後案

祔字注宗廟主也周禮有郊宗石室一曰大夫以石爲主袁準曰終禘及郊宗石室虞書亦云郊郊祀宗宗祀

也郊宗所以祭之主廟已毀者皆藏于石室故云郊宗
石室五經異誼曰古春秋左氏說古者先王日祭于祖
考月祭于曾高時高及二祧歲祫于壇禘及郊宗石室
又云許君謹案大夫以石爲主无明文案管子云君人
之主弟兄三世則召穆同祖十世則爲石此大夫以石
爲主之證也鶴壽案先生所引五經異誼及管子文多
者日祭于祖考月薦于高曾時高及二祧歲祫及壇禘
終禘及郊宗石室終者謂孝子三年喪終則禘于太廟
以致新死者也又春秋左氏曰徙主于周廟言宗廟有
郊宗石室所以藏栗主也今春秋公羊說卿大夫士非
有土于民之君不得祫享序召穆故無木主大夫束帛
依神士結茅爲菑許君謹案春秋左氏傳曰衛孔悝反
祔于西園祔主也言大夫以石爲主今山陽氏俗祭皆
以石爲主鄭君駁之曰大夫士無召穆不得有主少牢

饋食大夫禮也東帛依神特牲饋食士祭禮也結茅爲
散大夫以石爲主禮耳原文如此禮攝一壇一墀許以終
所出之君爲之主耳原如禮攝一壇一墀許以終
爲喪終先生改爲歲祫于壇脫落揮字終字至數篇桓公直
石爲主禮元明乃鄭駁許之詞而先生刪去數篇桓公直
接許君謹案則以鄭語當許語矣管子曰以戚始君桓公
問管子曰請問爭奪之事何如管子曰以戚始君桓公
主兄弟十人分國爲十兄弟五人分國爲五兄弟三人分國
穆同祖十世則分國爲十兄弟五人分國爲五兄弟三人分
是諸侯也茲非大夫也先生欲引證大夫以石爲主之
說不得不用刪去分國二句遷就其詞又改祐字爲石以
爲其主原繁曰先君桓公命我先人典司宗祏春秋莊十
四年傳原繁曰先君桓公命我先人典司宗祏春秋莊十
廟中藏主石室孔疏宗祏者慮有非常火災于廟之北
壁內爲石室以藏主周廟杜注祐廟主石函孔疏每廟
產使祝史徙主祐于廟杜注祐廟主石函孔疏每廟
木主皆以石函盛之藏于廟之北壁內所以避火災也
五經異誼今春秋公羊說有主者孝子以王繫心夏
后氏以松殷人以柏周人以栗今論語說哀公問主于
宰我對曰夏后氏以松殷人以柏周人以栗今論語說哀公
我行扁

出秋多
以柏殷人都毫毫宜柏也周人以栗周人都豐鎬鎬
宜栗也古周禮說虞主用桑練主用栗無夏后氏以松
爲主之事許君謹案從周禮說論語所云謂社主也據
此數條觀之則主爲木主石爲石主孔穎達謂社字从
亦神之也衡孔悝反祀于西園亦係木主耳不必以石
爲之也祭虞決疑注凡廟之主藏于戶外北牖下有石
函故名宗祏函中筭以盛主許稱周禮有郊宗石室石
室卽石函也天子之禮遠祖之主爲石室而藏之至祭
上帝于南郊祭五帝于明堂則奉其主以配食故謂之
郊宗石室祭法言禘郊祖宗此舉郊宗以包禘祖也然
則主與石本二事卽許亦從以木爲
主之說其言石主乃附及之義爾

榮字注設絲蒨爲營以禳風雨雪霜水旱癘疫于日月
星辰山川也从亦榮省聲一曰榮衛使灾不生禮記曰
雩榮祭水旱案繫傳榮作營不生下有臣錯案三字榮
既是爲營以禳當作營省不當作榮省黃公紹韻會亦

作營省是也引禮記果係許氏元文則當在營省聲下何以反在灾不生下大徐頗有以小徐語溷入許氏元文中者知二者皆以繫傳爲確

禡字注禱牲馬祭也从示周聲詩曰旣禡旣禡都皓切繫傳詩曰上行臣錯曰三字此許氏元文觀經典釋文毛詩吉日注云禱說文作禡則可知黃公紹韻會引說文每不全引此注亦不引詩曰云云其下閒以他語而卻言今文詩作旣伯旣禱許慎自敘詩偁毛氏皆古文也公紹知許據古文故以俗本爲今文益知此注引詩係許元文而繫傳臣錯曰係衍文攷許禡字注師行所

止恐有慢其神下而祀之曰禡今詩作旣伯者古音伯與禡本近也若禡則的係馬祭蓋二祭皆爲出征許氏列禡字于禡字後因二祭事同類聚一處宣王將田獵而行此二祭者田獵亦師行之事也顧絳謂此詩以上去通爲一音用戊禡好阜阜醜六韻愚謂戊古音若藁禡當讀都僚切以周雖職流切亦可音雕凡彫彫凋等字皆从周得聲故許于禡字注曰从示周聲詩旣以上去通爲一音何不可更參一平聲乎今詩乃作禱禱告事求福也浮泛不切出征矣此必漢俗人所改更可異者毛傳反以伯爲馬祖縱繞回曲斷不可從鄭康成

珏部首注云二玉相合爲一珏重文穀字注珏或从穀

左僖三十年傳納玉十穀杜注雙玉曰穀鶴壽案魯語行玉二穀文

亦與內傳同

士部壻字注夫也从士胥聲重文婿字注壻或从女案

經典釋文儀禮士昏禮壻夫也俗作婿通志堂及盧氏

文弔刻皆誤作壻

壻字注舞也从士尊聲釋文于爾雅釋訓壻壻下雖引

舍人云舞貌毛傳同其下又引說文士舞也而云宜從

士尊也可見說文本作士舞傳寫脫去鶴壽案先生攷正說文之字本

屬無多卻又兼斥俗字俗字之流傳多矣此半卷中所斥止有三四字今略爲補綴一部天从一大俗作祇非

玉 从 一 不 聲 俗 作 平 非 二 部 旁 从 二 方 聲 俗 作 旁 傍 皆
非 而 部 祭 从 而 以 手 持 肉 俗 作 祭 非 祀 从 而 已 聲 俗 从
戊 己 之 已 不 从 辰 已 之 已 非 祿 从 而 笑 聲 俗 作 詆 非 祓
从 而 友 聲 俗 作 祓 非 祝 祭 主 贊 詞 者 从 而 从 几 口 俗 作
呪 非 祓 从 而 必 聲 俗 作 祓 非 祝 祭 主 贊 詞 者 从 而 从 几 口 俗 作
俗 作 柴 非 王 部 皇 大 也 借 作 鳳 皇 祭 天 焚 燎 也 从 而 此 聲
非 別 有 皋 字 犯 法 也 秦 以 似 皇 字 改 為 罪 罪 乃 捕 魚 器
玉 部 玉 象 三 玉 連 貫 也 借 為 屬 玉 字 俗 作 瑪 瑙 非 瑤 从 王
也 从 王 流 聲 俗 作 璇 非 瑤 从 王 丰 聲 俗 作 瑤 非 瑤 从 王 豕 聲 俗
良 聲 俗 作 瑤 非 瑤 从 王 丰 聲 俗 作 瑤 非 瑤 从 王 豕 聲 俗
以 點 加 下 畫 之 上 為 玉 點 加 中 畫 之 上 為 琢 皆 非 玉 字
三 畫 均 別 于 王 字 中 畫 近 上 爾 耳 从 王 工 聲 俗 作 琢 非
環 璧 也 从 王 眾 聲 別 作 環 非 借 為 幻 妄 字 瑕 玉 小 赤 也
从 玉 段 聲 借 為 雲 霞 字 璣 从 玉 叟 聲 俗 作 璣 非 玠 从 玉
勺 聲 璣 从 玉 樂 聲 俗 作 璣 非 璣 从 玉 倉 聲 俗 作 璣
非 璣 从 玉 鬼 聲 俗 作 璣 非 璣 从 玉 倉 聲 俗 作 璣
玉 佩 也 从 玉 夫 聲 別 作 璣 非 璣 从 玉 倉 聲 俗 作 璣
東 氣 字 或 作 杰 尤 謬 凡 此 之 類 所 謂 鄉 壁 虛 造 不 可 用
也 者

卷一下攷證

中部叟字注火煙上出也从艸从黑少黑熏象案熏隸

變後人傳寫如此非許本小徐仍作叟

鶴壽案先生疑許書兼及隸變

故每達隸變卽載之其實與許氏無涉今但存其緊要者

艸部荅字注小未也从艸合聲借爲對荅字鄭司農注

周禮有秬秠麻荅當卽出倉頡篇攷艸部竝無荅字毛

詩七月七月烹葵及菽禾麻菽麥小宛中原有菽生民

荏菽旆旆禮記月令孟夏之月食菽與雞左成十八年

傳周子之兄不能辨菽麥唐石經作菽

鶴壽案艸部百卉也古文作少俗

用草非對荅之荅俗作荅高皆非

彊字注御涇之菜也从艸彊聲案隸變作薑禮記曲禮

內則篇論語鄉黨篇竝同

鶴壽案呂氏春秋本味篇引伊尹曰和之美者陽樛之薑

亦與禮記論語同蓋省文也

萍字注萍也無根浮水而生者萍字注萍也此皆在艸部水部萍字注萍也水艸也从水萍萍亦聲萍字萍字萍字皆一物說文兼載之而小徐于萍字注作萍也尤明析小雅食野之萍則陸生說文無陸生之義至詩于以采蘋左傳風有采蘋采蘋釋艸萍萍其大者蘋毛傳云蘋大萍也此本是蘋字唐人謬改爲蘋耳艸部云蘋大萍也

𦵏字注牂囊可以作縻縵从艸裏聲宋本作牂𦵏𦵏聲
小徐及玉篇同

蔽字注从艸𦵏聲說文無𦵏字顧野王引左傳云無弃

菅蔽顧說小徐竊取之鶴壽案今本左傳作蒹史記云
馮驩有一劍蒹縠李登聲類云

荆州中爲索此俗字也惟爾雅釋詁云棲遲憇休
菅叔隸𠂔息也𦵏字見此菅蔽之蔽當依此加艸

菡字藺字注未發爲菡藺已發爲芙蓉明成化閒內府

所刻詩朱子集傳澤陂有蒲菡菡注又作菡菡謬甚成

化閒時文極盛古學廢盡矣鶴壽案經典釋文云藺爾
雅作菡菡亦俗字也唐人

且然何
況明人

茱字注茱茱从艸未聲子寮切此卽今人所謂椒者故

下文卽列茱字注云茱櫟實不知何時別造从木之字
經典中如毛詩椒聊載芡之類皆改从之說文但有櫟
字注云似茱萸其性芳烈故與上枌香木相連艸部以
茱櫟連言蓋同類而木部竝無椒字

莊字注艸兒从艸在聲濟北有莊平縣仕畱切案前漢
地理志泰山郡莊縣應劭音淄師古音仕疑反續志屬
濟北國加平字司馬彪自注本屬東郡此縣屢改屬許
據當時見在地理

鶴壽案莊平縣今屬山東東昌府其地有莊山縣以此得名今皆改莊爲

莊矣

時字注更別種也从艸時聲時吏切尚書舜命后稷播

時百穀鄭注時讀曰蒔尚書每以時與是通則此經讀時爲是謂后稷能播此百穀于義亦得而鄭必破爲蒔者春末下稻種出秧至仲夏雨至田中有水乃拔取秧分科段更復插之俗名蒔秧今吳下猶然正許所謂更別種也

菑字注不耕田也从艸留側詞切漢書無溜字凡溜水及溜川地名或作菑或作留高五王傳五鳳中青州刺史奏菑川王終古罪公孫宏傳菑川薛人

蒔字注引國語曰致茅蒔表坐致與置通後漢書置字皆作致漢叔孫通傳起朝儀與弟子爲縣葦野外習之

應劭曰立竹及茅索營之習禮其中如淳曰謂以茅翦樹地爲纂位尊卑之次也春秋傳曰置茅蒹師古曰蒹與蒹同竝子悅反

藟字注漢律會稽獻藟一斗禮記云三牲用藟鶴壽案內則注

云藟煎菜莢也漢律會稽獻焉爾雅謂之檄先生即本鄭注以證藟字是矣但鄭以藟與檄爲一物許以爲二物檄即板也既講說文當從許義先生于前條曾引檄似菜莢此引內則何邪

菑字注蠶薄也从艸曲聲案禮記月令季春之月具曲

植遽筐鄭曰養蠶器也曲薄也隸變省艸鶴壽案曲部注云象器曲

受物之形此曲字正義又云或說曲蠶薄也此曲字有義然則曲植之曲可正作曲不必加艸字

萍字注艸兒从艸津聲子僊切集韻艸兒詩萍萍者莪

李舟說

草字注草斗櫟實也一曰象斗从艸早聲自保切鉉曰
今俗以此爲艸木之艸別作皐字爲黑色之皐櫟實可
以染帛爲黑色故曰草通用爲草棧字今俗書皐或从
白从十或从白从七皆無意義無以下筆案地官皐物
司農云今世閒謂柞實爲皐

萐字注推也从艸从日艸春時生也屯聲昌純切案隸
變作春與奉泰秦同不合晉蘭亭敘如此

右自芥至葯大徐云左文五十三重二大篆从艸後有
艸部云衆艸也从四中據此則五十三字大篆皆作从

艸許不忍廢古而以秦篆爲便特破例載之小徐一槩
連列豪無別異且于葦下先萊後葭大徐則先葭後葦
葦乃大葭葭乃葦之未秀者則鉉是錯非小徐于大徐
篇下去菰誤移在後菩下于前葦下去蒲又前菰下已
有苗注云菰也云云與大徐略同今皆誤移誤複在菲
下先苗後蒲又于前雅下去萑誤移在葦下凡此皆屬
鉉是錯非

唐石經毛詩卷阿藹藹王多吉士藹藹王多吉人藹字

說文無

說文
言部藹
字从言
葛聲

艸部莫字注日且冥也从日在艸中莫故切又慕各切

鶴壽案莫借爲惟莫廣莫無莫病莫等
字別作漠漠冥癭非此半卷中俗所改

易之字如中部毒牛之毒俗作犖牛又作羸牛毒冒之
毒俗作瑇瑁又作瑇瑁曩字从火矣俗作燠則又加火

也州部董字俗以爲千里州蔣字俗以爲千章荻藿也
名也或用霍霍山也藟藟華也別作菊蘧麥也葱草之

造州相次借爲造倅字而俗作造菜艸盛兒借爲羽菜

一字而俗作藜突喜也俗作笑藜藜爲茶茗官如一宇也俗以藜

為善官姁為姓氏簞第之第俗作簞第元艾之艾俗作
元默漢叢薄也借為簞薄字而俗作箔蓐陳州復生也

俗作范忙薦賈之薦俗作襍芒州端也借爲森芒隄芒字而

蘿俗作沈埋庇蔭俗作籬籬筍律俗作笋律日入奔茲俗作崦
一炬藩藟俗作籬籬筍律俗作笋律日入奔茲俗作崦

俗作參蘆蕝之蕝俗作蕝落蕝落如玉俗作瑤瑤人蕝之蕝
俗作參蘆蕝之蕝俗作蕝落蕝落如玉俗作瑤瑤人蕝之蕝

世楷堂

與邇通俗作藐非其義也
邇部邇與
也別作莽逐兔艸中夫豈艸莽之義與

蛾術編卷十九終

蛾術編卷二十

嘉定王西莊先生原本

吳江

迮鶴壽參校
沈楫惠校刊

說字六

卷二上攷證

八部豕字注从意也从八豕聲徐醉切案此以豕爲从
意而是部遂訓从豕豕聲亦徐醉切然則今遂字本
作豕詩芄蘭容兮遂兮毛傳容儀遂遂然有安舒意从
意故安舒易家人六二无攸遂荀爽曰坤道順從无所
得遂論語遂事不諫包咸曰事已遂皇侃疏引師說遂

是其事既行此皆有从意則皆當作豕本部會詞之舒
余語之舒可見从八則有安舒宣達義事得專遂及事
既得行皆有舒暢義故爲从意也豕字廢久無人能識
改經徇俗遂訓亾逃亾亾逝皆是禮記祭義祭之後陶
陶遂遂鄭注相隨行之貌祭後思親似有亾走往徂之
狀明遂爲亾故从彡而今人不知矣昭九年王有姻喪
晉使趙成弔且致禭杜注禭送灰衣衣部禭字注解與
杜同雖曰从衣遂聲聲亦兼義明遂爲亾

鶴壽素先生謂从八則有

安舒宣達義云云今案月令云百事乃遂遂訓成也周語云以遂八風遂訓順也漢王陵傳云上佐天子理陰陽下遂萬物之宜遂訓達也檀成事曰遂公羊傳云大夫無遂事是也物生出曰遂漢郊祀歌云青陽開動根

黃以遂是也兩事相因而及曰遂詩泉水云問我諸姑
遂及伯姊春秋傳云齊桓公侵蔡蔡潰遂伐楚是也其
義皆與刀相近則其字皆當作豕但八字象分別相背
之形故分字从八刀刀以分別物也公字从八么八猶
背也韓非子曰背么爲公既相違背則似有不豕之意
不知豕字何以从八若是部遂字从走固取逃止義而
亦與分背
義相近也

𠂔字注分也从重八八別也亦聲孝經說曰上下有別
兵剗切案尚書堯典分𠂔三苗俗譌爲北竟似南北之
北鄭注北猶別也後案已詳辨之但周易尚書左傳禮
記孟子別字甚多許氏既言八別也又引孝經別字同
部分字注別也刀以分別物也采部辨別也象獸指爪
分別也人部𠂔別也且自序分理可相別異則許屢用

別字矣于此𠂔字下竟不列爲重文者別乃漢俗字自漢以下此字雅俗通行宜于𠂔下增一條云別字隸變又刀部劓劓二字相連皆注判也劓音芳逼切大雅生民不圻不劓陸德明引說文云劓分也劓旣與古別字作𠂔者同訓分似可通作別疑德明所見說文爲正今作判也爲非

采部首注云辨別也象獸指爪分別也讀若辨尚書云平章百姓鄭氏尚書作辨章云辨別也音誼與采合而文異鄭氏得之僞孔氏古文非也

鶴壽案詩采菽疏云堯典平章百姓書傳

作辨章書傳謂尚書大傳今本無此語散佚不完也史記作便章索隱云便章古文尚書作平今文作辨是小

司馬所見尚書大傳有之班固典引曰惇睦辨章之化
答賓戲曰劉向司籍辨章舊文東觀漢紀曰臣下百僚
力誦聖德紀述明詔不能辨章後漢劉愷傳曰職在辨
章百姓宣美風俗此皆用今文尚書也李賢注後漢書
兩引辨章百姓鄭注云辨別也章明也蓋鄭注尚書讀
平爲辨從今文尚書也采菽云平平左左右左傳作便蕃
毛傳云平平辨治也服虔云平平辨治不絕之兒鄭注
論語云便便辨也古平便辨辨四字通用尚書平辨皆
訓使堯典平秩伏生皆作便秩鄭注周禮馮相氏辨秩
東作辨秩南爲辨秩西成辨在朔易疏云尚書皆作平
今皆云辨據書傳而言然則
亦從今文尚書改平爲辨也

半部叛字注半也小徐云離叛也春秋曰欒盈入于曲
沃以叛使其邑于國分半也案左傳隱元年京叛大叔
段四年衆叛親離莊二十九年樊皮叛王昭十二年南
蒯以費叛如齊二十年建與伍奢將以方城之外叛皆

从丰據葛尚書允征畔官離次論語亦可以弗畔弗擾

以費畔佛肝以中牟畔皆據毛鳳苞板則皆从田田部畔田界

也然則叛畔皆假借

牛部擾字注从牛憂聲尚書云擾而毅讀若柔經傳隸

變作擾从手周禮職方氏其畜宜六擾鶴壽案詩還云遺我乎猗之閒

今猗或作擾音乃高反憂療之類也擾字从牛憂聲故讀而沼切與憂音相近若爾雅犇牛郭注云即擾牛也

如牛而大肉數千斤出蜀中其字从憂不從憂故讀渠追切陸德明誤合為一字

犂字注耕也从牛黎聲案說文字義不備論語犂牛之

子則為黑色解而俗又省筆廣韻先載犂言墾田器亦

耕也次列犂言上同字學變改想唐已然鶴壽案此犂與耕互相為

訓也故耒部耕訓犁蓋細別之則人耕謂之耕牛耕謂之犁混言之則犁卽耕也司馬牛名耕又名犁則犁與耕同山海經稱后稷之孫叔均昃始作牛耕人耕雖在前牛耕雖在後其爲墾田一也

犧字注引賈侍中說此非古字古文苑秦惠王詛楚文犧牲字作義

告部首注云牛觸人角著橫木所以告人也从口从牛易曰僮牛之告案唐石經周易大畜六四作童牛之牯僮爲僮子童則童僕後世乃互易之此正當爲僮牛其牯字則牛部注云牛馬牢也从牛告聲引周書費誓今惟淫舍牯牛馬此于大畜之象一無所取李鼎祚集解引虞翻曰艮爲童五已之正萃坤爲牛告謂以木福其

角大畜畜物之家惡其觸害良爲手爲小木翼爲繩繩
縛小木橫著牛角故曰童牛之告此亦正當爲告二字
唐人改也劉氏云牯之言角也陸績云牯當作角劉解
陸音皆非魯頌夏而楅衡箋云楅衡其牛角爲其觸觶
人也地官封人祭祀飾其牛牲設其楅衡注云楅設于
角衡設于鼻此正六四所取若作牯則爲桎牯意非六
四象

口部噬字籀文作𦵏漢書百官公卿表𦵏作朕虞應劭
曰𦵏伯益也師古曰𦵏古益字

咀字注含味也案文選張平子思元賦李善注引倉頡

篇咀嚙也。如果咀訓嚙，則下有嚙亦當注咀也。今云齧也，非咀則咀亦非嚙。此所引當是倉頡注，非正文。許不盡從三倉舊注。

启字注開也。从戶，口康禮切。支部。啟字注教也。从支，启聲。論語曰：「不憤不啟，啟既訓教，則非開與。」启義不同。尚書允子朱啟明。鄭孔皆訓開。當作启。今唐石經乃作啟。經典凡訓開之字皆如此。而启廢不用矣。

鶴壽案：學記曰：夏楚二物。

收其威也。支小擊也。故教字从支。若施之于启，開之启則無謂矣。爾雅釋天云：明星謂之启。明玉篇：启字注引堯典：允子朱启。明字皆不从支。

右字注助也。从口。又徐鍇曰：言不足以左，復手助之。于

救切案此下當增一條俗以此爲𠂔𠂔之𠂔別造佑字
人部無俗又別造佐字人部亦無

周字注密也偽書太甲上自周有終偽傳云忠信爲周
本國語文王柏金履祥輩乃云周篆文似君當爲君字
之誤無稽之言也

吁字與于部重複小徐詳之

漢書李廣傳霸陵尉呵止廣江充傳充呵問之衛綰傳
不孰何綰李奇曰何呵也禮記曲禮負劒辟呬鄭注口
𠂔曰呬呬字亦見弟子職二字說文口部俱無鶴壽案孰何史

記作誰呵索隱曰誰呵音誰何
猶借訪一曰誰呵者責讓也

叩部單字注大也單與亶同故云大盤庚誕告用亶其有衆馬融本亶作單天保俾爾單厚

𦣻字注呼雞重言之从叩州聲讀若祝惠曰古州祝同

音左傳衛州吁穀梁作祝吁風俗通曰呼雞朱朱俗說

雞本朱公化而爲之今呼雞曰朱朱也

鶴壽案樂記武王封帝堯之後

十祝鄭注祝或爲鑄潛夫論五德志篇武王封堯胄于鑄祝鑄聲之轉也風俗通言呼雞朱朱而博物志則云祝雞翁善養雞故呼祝祝是亦聲之轉耳

走部趨字注从走薊聲讀若繫結之結結古髻字亦作

髻故云从走薊聲

趨字見石鼓文

鶴壽案趨走意从走寔聲岐陽石鼓弟八鼓有此字石鼓周立王太史籀所書

是篇文也而其體與古文同故不列于重文

趙字注漢令曰趙張百人趙張卽蹶張漢中屠嘉傳材

官蹶張從高帝如淳曰材官之多力能腳踏彊弩張之

律有蹶張士漢令卽漢律

鶴壽案趙訓距音車者反趙訓距音居月切義既不同音

亦各異以趙張爲趙張非是

趙字注春秋傳曰輔趙常熟毛鳳苞汲古閣崑山葛鼎

永懷堂刻本左傳昭五年有輔蹶十五年有荀蹶皆晉

臣名而足部無蹶字則輔趙卽輔蹶但經典釋文後人

割散入經長白納蘭成德通志堂重刻原足本就人閒

所有傳抄付梓校讐亦未必精不可深據五年釋文蹶

力狄反又力各反本又作𨇗十五年同若原足本則兩處大字皆作𨇗音同而各贅以本又作𨇗愚謂作𨇗作𨇗皆謬而𨇗稍近蓋走旁足旁易相混如𨇗漢書作𨇗趙訓儘又从足兩部皆收是也𨇗則更非矣毛葛二刻是釋文成刻誤倒耳經典文字南北朝大亂陸德明不知𨇗之本爲𨇗濫及又作𨇗淺妄甚矣鶴壽案从走之字誤而以足者甚多如𨇗正字也而周禮注云故書作𨇗𨇗正字也而易繫辭云𨇗人之辭多𨇗正字也而禮記祭義云君子跬步不忘孝荀子云不積跬步此由𨇗于便易故也

𨇗字注𨇗田易居也小徐繫傳云左傳晉于是乎作爰田國語作𨇗田皆假借此乃正字謂以田相換易也傳

係僖十五年文杜預曰分公田之稅應入公者爰之于
所賞之衆孔疏服虔孔晁皆云爰易也賞衆以田易其
疆畔杜言云云則亦以爰爲易謂舊入公者乃改易與
所賞之衆愚謂此注服氏與許易居正合則爰田卽起
田矣國語作轅田韋昭解賈侍中云轅易也爲易田之
法賞衆以田易疆界也或云轅車也以田出車賦昭謂
此欲賞以說衆而言以田出車賦非也唐云讓肥取境
也玩此則賈逵國語注與服虔左傳注合昭旣駁去或
說明以賈爲是唐云讓肥取境亦以轅爲易也爰田之
制不甚可攷而義訓易其字本作趯爰轅皆假借小徐

說誠確惠棟評說文不知起田卽爰田之說出于小徐
而以爲楊慎已誤其左傳補注乃主田出車賦之說如
此則是加賦于民非以取說于臣傳何以載呂甥以公
之賞爲惠之至而告其衆曰君亡之不恤羣臣是憂乎
韋已駁之惠不見乎更可異者竟以或說歸之賈逵尤
非鶴壽案周禮大司徒凡造都鄙不易之地家百畝一
之易之地家二百畝再易之地家三百畝大鄭云不易
之地歲種之地美故家百畝一易之地休一歲乃復種
地薄故家二百畝再易之地休二歲乃復種故家三百
畝遂人辨其野之土上地中地地中地地中地地中地
一廛田百畝菜五十畝中地地中地地中地地中地地
地夫一廛田百畝菜五十畝中地地中地地中地地中地
公羊注云司空謹別田之高下美惡分爲三品上田一
歲一廛中田二歲一廛下田三歲一廛肥饒不得獨樂
境垆不得獨苦故三年一換主易居財均力平漢食貨

志云民受田上田夫百晦中田夫二百晦下田夫三百
晦歲耕種者為不易上田休一歲者為一易中田休二
歲者為再易下田三歲更耕自爰其處地理志云秦考
公用商君制轅田張晏曰周制三年一易以同美惡商
鞅始割列田地開立什伯令民各有常制孟康曰三年
爰土易居古制也未世浸廢商鞅相秦復立爰田上田
不易中田一易下田再易爰自在其田不復易居也段
茂堂曰何休言換主易居班固言更耕自爰其處孟康
言爰土易居許氏言起田易居爰轅起換四字音義同
也古者每歲易其所耕則田廬皆易言三年者三年而
上中下田徧焉三年後一年仍耕上田故曰自爰其處
孟康說古制易居為爰田商鞅自在其田不復易居為
轅田名同而實異孟說是也依孟則商鞅田分上中下
而多少之得上田者百畝得中田者二百畝得下田者
三百畝不令得田者彼此相易其得中田二百畝者每
年耕百畝二年而徧得下田三百畝者亦每年耕百畝
三年而徧故曰上田不易中田一易下田再易爰自在
其田不復易居周制得三等田者彼此相易今年耕上
田百畝明年耕中田二百畝又明年耕下田三百畝
百畝之百畝又明年而仍耕上田百畝如是乃得休一

歲休二歲之法故曰三歲更耕自爰其處與商鞅法雖異而實同也鞅之害民在開什伯今案古法極主易居商鞅則不換主不易居法似同而實異惠半農曰晉惠公作爰田秦孝公制轅田皆賞田也管子曰良田不在戰士三年而兵弱爰田之法以上田賞戰士而中田下田授農人蓋秦晉之良田盡歸戰士矣惠定字曰作爰田猶哀公之用田賦也作州兵猶成公之作邱田也外傳爰作轅以田出車賦也服訓爰爲易易田之法本是周制何以云作秦孝公制轅田豈亦賞衆以田邪外傳所云賞衆是一時之事爰田州兵是田制兵制改易之始故特書之或駁之曰周制三年易田自是美惡相均無貧富不齊之患晉自武公得國以後授田不均或有得不易上田者不復以中下之田相易今惠公欲施恩于國人故分別其一易再易之田使强者不得久占故曰惠之至也若如賈說以田出車賦惠公當去國之時民心未定豈復更張田法以驚擾愚民邪當以服說爲優

趣字注止行也按後漢鉅期傳注引說文云趣與蹕同

說文本無此句足部亦無蹕字李賢因俗本周禮夏官
隸僕掌蹕宮中之事作蹕妄附會之不待衛包改經典

文字已大亂

艸部發字注春秋傳曰發夷蘊崇之發今作茭鶴壽案班固答

賓戲夷險發荒晉灼曰發開也今諸本多作茭蓋本作

發後誤為發或改為交也此半卷中俗字如八部鵠鵠

之鵠本作分蟾諸之蟾本作詹研石之研本作介別有

壁隙之隙本作京采部熊蹠之蹠本作番蟋蟀之蟋本

作悉釋解說也借為悅釋字別作憚非牛部年牛鳴也

借作年于年等字別作眸俸皆非牴觸也別作觥非與

牛馬閑也別作牢非別有輦車軸端鍵也別作轄鑣皆

非口部呖俗作曉噴俗作賸周俗作賸吁俗作野咽俗

作訛曉俗作峭吻俗作脣台州俗作兗州昆吾俗作琨瑀

啗俗又作悵悵別有咭俗又作吼畔唐俗又作唐唐塘

器部步俗又作喙喙別有咭俗又作吼畔唐俗又作唐唐塘

止部止足止也借爲至止字別作趾趾皆非時不前也
借爲時踏字別作跣時皆非跣不滑也亦作跣兩足相
距不行也俗作滌非奔不行而進也从止在舟上俗用
前翦刀也亭歷見爾雅而陸德明作葶蘆矣昨虛見爾
雅而韓昌黎作駮驢矣楚人不能行也而王制作瘠瘠
跛躄史記作躄者樂散行汲矣獨不見爾雅山小而衆
歸山海經只作歸乎

卷二下攷證

走部首注云春秋公羊傳曰走階而走走今作蹠

延字重文征字注或从彳漢征和年表皆作延和

廷字注往也从辵王聲春秋傳曰子無我廷于放切彳

部往字注之也于兩切唐石經毛詩揚之水人實廷女

毛傳廷誑也言部誑字注欺也从言狂聲居況切廷與

往雖係兩字其義則同與誑則音但相近義固異也而
毛詩假借用之可見古假借字音近即可借至所引傳
係昭二十一年文杜預曰迂恐也攷此宋華亥與華軀
作亂而敗亥搏膺而呼謂軀曰予爲樂氏矣故軀荅云
云下卽云不幸而後亡蓋言子勿恐我將如樂盈之見
殺使我急迫奔走且再圖救必不幸之至然後出亡耳
迂雖訓往實兼驚恐往竄意但說文義不備故復引傳
增成之

遼字注迹遼也迹當爲遼玉篇遼今爲錯遼遼也

鶴壽案玉

篇云遼遼遼也既引玉篇則當云遼宜依玉篇爲遼

𨔵字注遻也遻字注遻遷徙也隸變𨔵作徙與重文从

才作𨔵不同

鶴壽案自此之彼為遻故字从彳禾呂氏春秋曰苗其弱也移為移故字从禾

欲孤其長也欲相與俱其熟也欲相扶相扶者倚移也倚移猶言阿那鄭司農攷工記注兩引倚移從風今上林賦作旖旎從風詩稱隰有萋楚猗猗其枝隰桑有阿其葉有難宋玉高唐賦旖旎豐沛說文于禾曰倚移于旂曰旖旎施于木曰旖旎皆謂阿那也古有假移為侈者攷工記飾車欲侈故書侈為移少牢饋食禮移袂即侈袂也又有假移為多者表記衣服以移之注云移讀如禾汜移之移移猶廣大也郊特牲其蠟乃通以移民也注云移之言羨也此皆假借字而獨不可用之遻徙夫遻徙與稻禾何涉邪

遜字注遁也小徐引公遜于邾為證案俗以此為謙遜

字古只作孫今尚書五品不遜已从俗論語奢則不孫

孫以出之尚存古

鶴壽案此字後人所加古只作孫孫禮記學記

入學鼓篋孫其業也論語惡不孫以爲勇者皆假借字
心部遜字注云順也唐書曰五品不遜今本尚書作遜
或係衛包所改緇衣恭以泣之則民有孫心毛居正所
見本孫心二字有井作遜者王肅家語亦云小人不
遜爲勇學記不陵節而施之謂遜說苑作學不陵節而
施之曰馴遜與馴皆訓順也古文尚書五品不遜今文
尚書作不訓訓通作馴尚書大傳云百姓不親五品不
訓則責之司徒史記五帝本紀五品不馴正義云馴音
訓索隱云史記馴字徐廣皆讀曰訓訓順也殷本紀五
品不訓漢王莽傳司徒主司人道五教是輔帥民承上
宣美風俗五品乃訓後漢周舉傳帝下策問曰五品不
訓劉愷傳調訓五品謝夷吾傳下使五品咸訓于嘉時
周禮地官注教所以親百姓訓五品此皆用今文尚書
作訓訓者孫順也若孫遜之孫則又是一義詩狼跋公
孫頌膚箋云孫讀當如公孫于齊之孫孫之言孫遁也
公攝政七年致太平復成王之位遜通碑此成功之大
美談老疏云古之遜字借孫爲之春秋昭二十五年經
言公孫于齊春秋之例內諱奔謂之遜言昭公遜遁而
去位此周公亦遜遁去位故讀如彼文遜遁釋言文孫
炎口遁逃去也莊元年經言夫人孫于齊公羊傳曰孫

猶孫也內諱奔謂之孫注云孫猶遁也疏云凡言孫者孫遁自去之辭與尚書序將孫于位讓于虞舜義同閏二年經言夫人姜氏孫于楚其字皆不從彡然則小徐所引公遜于邾及爾雅釋言文皆後人所改耳段茂堂曰釋名云孫遜也遜遁在後生也古就孫字義引伸卑下如兒孫非別有遜字至邾璽字注云从至至而復孫有孫無遜之一證

返字注引商書祖甲返案商書西伯戡黎有祖伊反此傳寫誤作甲返書作反當从說文尚書後人所改重文返字注春秋傳返从𠂔今春秋傳無返字

𠂔部小徐本移遁字于部末移遜字于遜字下遁字前攷遁訓遷也在運下許意以遁爲自遷又有一曰逃也此是苟義故位置如此小徐移于部末無理若遜訓遁

者許意亦以爲自遷故在運下小徐略去遁訓遷也以
逃爲正義故移遜逃也下遁亡也前不知魯哀公雖爲
三家所逼而出春秋書遜仍以自遷爲詞書法有深意
不可以遜作逃亡奔走小徐移後大非

走部末文一百一十八重三十小徐本同下注臣次立
曰今重二十七補遺螭隣二字共重二十九次立不知
何人數之實重三十此不可解

走部新附有逼字注近也隱十一年傳實偪處此襄十
年傳晉伐偪陽皆從人人部無偪字

走部新附有遁字注逍遙猶翱翔也鉉按詩只用消搖

此二字字林所加遙字注又遠也釋文逍本又作消遙
本又作搖觀鉉說知宋初毛詩尚作消搖若明刻則出
趙宋人所改升俗作正退經爲別矣獨禮記檀弓孔子
消搖于門釋文消搖本又作逍遙則仍從古鉉時字林
尚在目驗而知然鉉偶指出他新附字出字林者尚多
示部祧禰出字林張參言之遙字又訓遠前正文內遼
卽古遙字鶴壽案惠定字曰後漢崔駰誤張平子碑已用逍遙字不始于呂諶也但經典只合用消
搖耳今案莊子逍遙遊注黃幾復云逍者消也如陽動
冰消雖耗也不竭其本遙者搖也如舟行水搖雖動也
不傷其內字雖作逍遙解仍作消搖至
遼字注行遼徑也以爲卽遙字恐非

走部無遊字於部游字注旌旗之旒也从於汙聲水部

浮字注浮行水上也从水从子皆無重文遊唐石經禮

記曲禮交遊稱其信也論語父母在不遠遊遊必有方

皆作遊

鶴壽案攴部首注云旌旗之游攴蹇之兒从少曲而垂下攴相出入也相出入謂旌旗之游从

風往復人之一出一入亦如之故引伸爲游行字游古文作選俗乃合二體而作遊

彳部德字注升也从彳惠聲心部惠外得于人內得于

已也从直从心此道惠字俗乃以德代之禮記玉藻立

容德注如有予也疏立則磬折如人授物與已已受得

之賀云德有所施與之名身小俯嚮前如授物與人會

前兩注也釋文德得也此以音同假借爲得

微字注循也或云傲古堯反音交傲幸覲非分也微循

也邊塞也東北爲塞西南爲徼老子常有欲以觀其徼
選卒曰游徼漢書中尉掌徼循京師又伺察也論語惡
徼以爲知者徼與徼音同義別中庸行險以徼幸宜從
徼但說文無徼字有徼字則徼幸當假借音近之字用
之唐石經作徼是

徇字注行示也司馬法斬以徇隸變作徇秦誓疏引說
文曰徇疾也徇行也與徐校本不同五帝本紀黃帝幼
而徇齊裴駰曰徇疾則尚書疏是

御字古文从又馬作馭僞書若朽索之馭六馬从古文
周禮八馭皆用此

齒部齟字注老人齒爾雅釋文引說文云老人兒齒此
鵠壽案爾雅釋詁云黃髮齟齒

脫兒字毛詩黃髮兒齒

鵠壽案爾雅釋詁云黃髮齟齒

用今文故加齒

足部躓字注踰也从足質聲詩曰載躓其尾陟利切踰
字注躓也此以躓踰互相訓禮記中庸言前定則不踰
鄭亦云踰躓也但今毛詩狼跋作蹇東部蹇字注礙不
行也从東引而止之也東者如東馬之鼻从冂此與牽
同意陟利切則似與躓義近而音亦同故陸德明直云
蹇與躓同然詩毛傳鄭箋皆訓爲踰則知許所引是真
毛本古文作蹇是後人所改也

鵠壽案禮記大學注蹇或作躓爾雅釋言云蹇

踏也則躡與蹠似同字同義許于蹠字注又引詩曰載蹠其尾而踏與蹠義亦不相遠當是一字惟曳馬之鼻當作曳牛之鼻馬不曳鼻也

躡字注踞也从足尊聲南山經箕尾之山其尾跋于東海郭注跋古躡字許氏不入重文新附亦無文選張平子西京賦怪獸陸梁大雀跋跋薛綜注跋跋大雀容也杜甫贈韋左丞詩祇是走跋跋廣韻諄跋跋也集韻止也伏也鶴壽案徐廣史記注古躡字作跋此郭注所本莊子跋于會稽字林云跋古躡字其實古文無跋字跋當爲跋說文云倨也

論語足跼跼如有循鄭元注舉前曳踵行也皇侃疏跼跼猶蹠蹠也循猶緣循也不敢廣步速進恒如足前有

世階堂

蟻術編卷二十終

蛾術編卷二十一

嘉定王西莊先生原本 吳江

迨鶴壽參校

沈楸惠校刊

說字七

卷三上攷證

詔部詔字注高聲也一曰大呼也从詔少聲公羊傳曰

魯昭公叫然而哭案叫字當作詔今公羊昭二十五年

作噉周禮夜噉旦以詔百官猶存古

鶴壽案口部叫字注訓噉也與大噉

義微異噉字注訓口也一曰噉呼也案訓口者史記貨殖傳云馬蹄噉千顏師古漢書注云噉口也蹄與口共

千則為馬二百也今本說文口誤作吼非是又訓呼者呼當作噉號也曲禮云毋噉應注云噉號呼之聲也此

與大聲義
亦微異

舌部錫字注以舌取食也案孟子是以言飴之也趙岐
曰飴取也此字舌部不收食部亦無孟子注久無全書
戴震始訪得鈔本末附孫奭音義云字書及諸書竝無
飴字郭璞方言注音忝謂挑取物也其字从金今此从
食傳寫誤也本亦作飴奴兼切愚謂金部銛鍾屬讀若
揜桑欽讀若鑠食部飴相謁食麥皆與此無涉不知其
字明載說文以舌取物與孟子意正合俗有舐字說文
亦不收史記吳起傳漢鄧通傳俱可攷

言部譔字注專教也从言異聲此緣切案今人有著述

自署某撰當作誤周易繫辭以體天地之撰李鼎祚集
解九家易曰撰數也雜物撰德釋文撰鄭康成作算云
數也然則天地之撰亦當作算作撰者後人改集解載
虞翻曰撰德謂乾則必不作撰惟崔憬始云撰集所陳
之德憬俗儒已誤矣惠棟周易述于兩處撰字雖姑依
俗本作撰而皆解爲數則其意從康成作算周禮夏官
大司馬中夏教茆舍羣吏撰車徒鄭注撰讀曰算算車
徒謂數擇之也此撰字亦後人改若鄭所見周禮則疑
假借纂字也論語異乎三子者之撰孔安國曰撰具也
禮記曲禮侍坐于君子君子欠伸撰杖屨鄭注撰猶持

也釋文似轉反此二處亦疑假借簋字說文手部無撰
字言部誤字既爲言教則著述正當用此禮記祭統云
鼎銘古之君子論撰其先祖之美而明著之後世則正
不誤說文食部簋具食也饌字其重文竝無言教論著
意但因其有具義或假借用之漢司馬遷傳百年閒天
下遺文古事畢集太史公父子纂其職師古曰纂讀與
撰同其實惟訓具訓持者當用之訓數者以音同假借
尚可而論著則不宜用又漢班固敘傳云探纂前記則
又借纂以爲著述字此字是竹器籩豆之屬亦漢俗字
不知班氏何以用之

鶴壽案揚子法言云訓諸理撰孝
行此卽著述之義撰亦有訓作具

者楚詞大招云四上競氣極聲變只魂兮歸來聽歌謠
只注云謠具也言觀聽衆樂無不具也論語異乎三子
者之擬孔注亦訓具鄭作侯讀曰詮詮之言善也此與
祭統論謚其先祖之美合是誤與侯通矣侯又與選通
論語公叔文子之臣大夫侯漢古今人表作大夫選撰
亦與選通漢食貨志白撰史記平準書作白選選又與
算通詩柏舟云威儀棣棣不可選也傳云物有其容不
可數也朱穆集載絕交論作不可算也故大司馬撰車
徒鄭康成
讀撰爲算

詒字注論訟也漢天文志太歲在酉曰作詒注爾雅作

作噩殺阮君神碑亦以詒爲噩是詒詒卽噩噩故云論

訟也禮記玉藻言容詒詒鶴壽案噩俗字也周禮占夢

二曰噩夢杜子春曰噩當爲驚愕之愕其實愕亦俗字
也驚愕之愕當作選揚子法言云周書噩噩爾當作詒

詒玉藻注云詒
詒教令嚴也

閭字注和說而諍也从言門聲語巾切鄉黨與上大夫
言閭閻如朱子用之以破孔安國中正貌之訓漢公孫
賀等傳贊引桓寬鹽鐵論斷斷焉行行焉師古曰斷斷
辨爭貌行行剛彊貌剛彊與鄭合辨爭以意說明宏治
十四年刻鹽鐵論作閭閻焉侃侃焉說文齒部斷字注
齒本也此假借作閭字用

詳字注審議也有作佯字解者論語其愚不可及也孔
注云詳愚似實史記屈原列傳乃使張儀詳去秦韓信
傳詳狂爲誣

詒字注引詩詒訓詩嵩高之詩章懷引說文曰詒訓古

言也音古度反是讀與故同

鶴壽案詩烝民云古訓是式毛傳古故訓道鄭箋故

訓先王之遺典也烝民乃於高之下一章先生誤記矣段茂堂曰此句或謂卽引古訓是式或謂指毛公詁訓傳皆非也釋文于抑告之詁言下云戶快反說文作詁則此四字當爲詩曰告之詁言毛傳云詁言古之善言也以古釋詁正與許以故釋詁同陸氏所見說文尚未誤也淺人以詩無告之詁言句改爲詩曰詁訓不成語矣

詒字注合會善言也詒有會合之誼盤庚乃詒民之弗率謂會合民之不率教者而與之言猶文詒从會猶存古意

訝字注相迎也从言牙聲周禮曰諸侯有卿訝吾駕切重文迓字注訝或从辵則迎乃訝之正訓後人乃以訝

爲驚疑迂爲迎迂案聘禮訝賓于館鄭曰迂迎也此字非不可用但必判而爲二絕不相通則非方曰升則于去聲二十二禡首列迂而訝別在獨音之首截然離析

爲二

鶴奇案訝正字迂俗字古迎訝之訝皆借用御字顏師古匡謬正俗曰商書盤庚云于御續乃命于

天詩鵲巢云百兩御之訓解皆爲迎徐仙民竝音訝今案師古所據唐初本也唐石經以下作迂者皆衛包所改正文當作訝見周禮字訝聘禮訝賓若詩鵲巢傳云御迎也甫田以御田祖箋云御迎也思齊以御于家邦傳云御迎也書盤庚及牧誓弗御克奔以役西土皆訓爲迎今書皆改爲迂士昏禮云媵御曲禮云大夫士必自御之穀梁傳云跋者御跋者眇者御眇者列子云遇駭鹿御而擊之此皆訝字借用御者今本說文訝字重

文作迂乃鉉所加十九文之一而先生認爲許書本字不知迎必有言故字从言豈必从走哉

訥字注言難也从言內案禮記檀弓其言訥訥然如不

出諸其口訥或从口許不入重文口部亦無鶴壽案訥一作向肉

字在部首注云言之訥也从口內權弓作內移于外爾

訖字注沈州謂欺曰訖从言它聲案孟子人將曰訖訖趙岐注訖訖自足其智不嗜善言之貌孫奭音義則曰訖張云吐禾切蓋言辭不正欺罔于人自誇大之貌丁云音他又達可切說文曰欺也字作訖者音怡訖訖自足其智不嗜善言之貌今諸本皆作訖即不合注意當借讀爲訖音怡愚謂古蛇字本作它象形上古艸居患它故相問無它乎蛇則它之重文也在部首又也字在乙部本作𠄎女陰也象形假借作語詞此字與隸變它

相似易溷俗不知它卽蛇字遂以也代它凡言無它直作無他因不可言無也故加人而上古問無屯之義隱矣左傳尹公佗孟子作尹公之他是也人部無他字俗旣以也卽它并妄造他字矣而毛詩東門之池孟子臺池鳥獸數罟不入洿池園囿汙池僞尚書泰誓惟宮室臺榭陂池凡池其始本作沱亦因它誤爲也而改矣水部沱字注江別流也臣鉉曰沱沼之沱通用此字今別作池非是揚雄解嘲云紆青拖紫師古曰沱曳也漢書猶存古字而論語鄉黨作拖紳則它溷于也故也孟子詭字本作詭下文予旣已知之不知而自謂知正是欺

孟子沈州人正當言訖趙注亦合趙所見本似未誤因
它也相溷而誤耳至張鑑丁公著本不識字張所說音
義以說訖字則得而反以說訖字則誤以訖卽訖耳丁
并強加分析訖爲欺音他又達可切非也訖爲自足其
智音怡是也瓜疇而芋區之則大謬矣豈知訖訖說文

皆無之邪

鶴壽案戰國策云寡人正不喜訖者言也楚詞惜往日云或訖訖而不疑注云詐欺也方

言云度僂慧也秦謂之謾晉謂之謾宋楚之閒謂之健楚或謂之謾自關而東趙魏之閒謂之謾或謂之鬼郭

璞曰謾言謾訖訖音大和反夫訖訖與度僂慧謾健

諸點鬼爲類則說文訓欺者是矣訖訖音大和反則說

文从言它聲者是矣張鑑謂言辭不正欺罔于人義固與許合丁公著謂音怡似與說文之音異而先生以爲

是者詩羔羊云退食自公委蛇委蛇毛傳云委蛇委曲自得之貌其意與自足其智略相似釋文云蛇音移則

說亦得讀為怡矣它部重文蛇字係俗人所加他人之他當作佗

諸字注諸拏羞窮也玉篇又云怒也羞窮則怒鶴詩案方言云

謂之支註或謂之詒譌拏揚州會稽之語也或謂之惹或謂之支註郭璞曰拏言諸拏也惹言情惹也詒言詒譌也說文拏字注牽引也拏又作𢶏玉篇云諸𢶏言不可解也後漢馮衍傳云禍拏未解兵連不息注云拏謂連引也今案諸拏與情惹詒譌同意而許以為羞窮者蓋羞澀辭窮則支離牽引事固有相因者矣

訾字注不思稱意也詩曰翕翕訛訛正文作訾引詩作訛前言左右上下不可移徙此字當作訾

譌字注譌言也从言為聲引詩民之譌言五禾切案唐石經毛詩正月作訛言尚書堯典平秩南訛孔傳訛化

也毛詩無羊或寢或訛毛傳訛動也說文無訛字石經
三處皆謬正月當从許作譌堯典無羊尤不應从化惟
石經免爰尚寐無訛此一處不謬毛傳與無羊同訓動
說文口部吡字注動也从口化聲正引免爰爲證則無
羊堯典亦當作吡作訛者經注皆唐人誤改孔氏古文
尚書許氏所祖今訓化亦係晉人妄改鶴壽案譌與爲
偽三字古人通
用詩采苓人之爲言箋云爲人爲善言以稱薦之欲使
見進用也定本作偽言正月箋云人以偽言相薦入是
譌與爲偽同也無羊或寢或訛今韓詩尚作譌薛夫子
云譌覺也書堯典平秩南訛係衛包所改古文尚書作
南爲亦或作南爲周禮馮相氏注云辨秩南爲釋文云
僞五禾反羣經音辨云僞化也音訛引書平秩南爲此
據周禮音義也集韻類篇云僞同吡吾禾切本之史記
五帝本紀作便程南爲索隱云爲依字讀春言東作夏

言南為皆是耕作營為勸農之事孔安國強讀為訛字
雖訓化解釋亦甚紆回也依小司馬強讀為訛之言則
知孔氏本作平秩南為傳云為化也蓋為之即所以化
之鄭注東作曰作生也然則南為鄭必訓化由生而化
由化而成此是禾之節次淮南子天文訓云甲子干戊
子介蟲不為壬子干庚子魚不為敦牂之歲歲大旱禾
不為協洽之歲歲有小兵菽麥不為高誘訓不為為不
成則混于西成小司馬謂為與作無二義則又混于東
作不如訓化之為長也漢書王莽曰予之東巡勸東作
南巡勸南為西巡勸西成北巡勸蓋藏師古曰為讀曰
說訛化也莽用今文尚書是今文尚書與古文尚書皆
作偽也依說久訛動也之訓似當作南訛然說文但引
尚寐無化為證則
堯典本不作南訛

暑字注大呼自勉也案爾雅釋訓疏引說文曰大呼自
寃也勉與寃相似而誤漢東方朔傳郭舍人與朔射覆
舍人不勝上令榜舍人舍人不勝痛呼暑師古曰暑自

冤痛之聲也

鶴壽案自勉廣韻亦作自冤鄧展曰
譽音瓜腹之腹顏師古音步高切

讓字注相責讓案古謙讓字作攘堯典允恭克讓鄭曰
推賢尚善曰讓說文手部攘字注推也則堯典正當从
手不應用相責讓之字而唐石經已誤从言惟漢藝文
志道家合于堯之克攘師古曰攘古讓字司馬遷傳小
子何敢攘焉漢書尚存古字

養字注滋也一曰痛惜也俗作嗟經史皆改養字廢不
用口部無嗟字

諷字注禱也累功德以求福引論語諷曰禱爾于上下
神祇今論語作誅案此下明有誅字注云誼也則作誅

非

言部新附有譜字案譜卽表也史漢及鄭康成毛詩皆

有之後人改詩表作詩譜

鶴壽案劉熙釋名云譜布也布列見其事也劉勰文心雕

龍云譜者普也注敘世統事資周普史漢雖止有表而史記三代世表云自殷以前諸侯不可得而譜漢劉歆傳云著三統秣譜鄭氏詩譜敘云夷厲以上歲數不明大史年表自共和始歷宣幽平王而得春秋次第以立斯譜未聞其稱詩表也譜字蓋自古有之

言部無註字水部云注灌也从水主聲之戍切賈公彥

儀禮卷首疏云注者注義于經下若水之注物

音部新附韻字注裴光遠云古與均同嘯賦云音均不

恒李注均古韻字也然則古無韻字

辛部童字注男有鼻曰奴奴曰童人部僮未冠也从人
童聲後人以二字互易之王褒僮約恐傳寫改桺宗元
童區寄傳則唐人誤用也童从辛辛干上也未冠何辛

之有

鷓鴣青紫易蒙卦匪我求童蒙詩芄蘭童子佩鴈之類皆當作僮史記貨殖傳卓王孫家僮八百人漢

張安世傳僮七百人皆有手技之類皆當作童不知何以互易此半卷中干部干者木之身也借作干櫛干求

干犯字今俗作竿竿古戟字借為順逆字而又以戟別之十部博大通也借為博弈字今俗作博井且作簿言

部皆俗作斯詛俗作訛說俗作憚識常也知也今俗別作註俗作聖詛俗作喃詳俗作憚識常也知也今俗別作

藏誌嘉多言也今俗別作查詳詞音內言外也今俗混用肆肆諒信也何以作亮記詳問也何以作叩諸謠告

也何以作播諺傳言也借為俗語字別作嘖非訛難言也借為識訛字別作認非識驗也借為悔過字別作懺

悔非諸別異之詞也借為詹諸字別作蟾蜍非然則大蕭為管當作言南宮謔臺當作諺奇賁非常當作該天

難忱斯當作訖夫業喋當作謀源源而來當作源從
 可知矣音部響正也嚮俗也竟正也境俗也肇部叢正
 也叢俗也業正也牒俗也忡部忡兩手相對借為共奉
 字正也別作拱供俗也奉正也俸捧俗也與正也煥
 俗也別有契券之券从刀或从力則倦也歸部璫與之
 與不必从玉也白部要開之要不必从肉也瓜疇而芋
 區之庶
 幾近是

卷三下攷證

革部𩊦字注武威有麗𩊦縣驪𩊦前後漢志皆屬張掖
 疑許慎時曾改屬史失載

𩊦字注引周禮柔皮之工鮑氏𩊦即鮑也鄭康成攷工

記注云倉頡篇有𩊦𩊦為奇案鮑即鮑也承上句言之

字借

鞮字注履空也徐鍇曰履空猶言履散也履空當作履

工呂氏春秋南家工人也為鞮其父曰吾恃為鞮以食

三世矣高誘注云鞮履也作履之工也則鞮為工人明

矣空乃工字之誤徐氏以空為散何據鶴壽案爾雅與革前謂之鞮注

云以韋鞮車軾疏云鞮謂鞮也攷工記飾車欲侈注云飾車謂革鞮車也三倉云鞮履也履空即履腔鞮謂以

革幫于屨底耳高誘但言作履之工蓋從略也小徐言履散未嘗不是而欲改空為工謬矣

鬲部虜字注从鬲疋聲牛建切案疋非聲未詳小徐以

為音呼為旁紐亦未詳鶴壽案大徐于疋部從小徐用

同六書故謂處省聲亦非是獻尊即犧尊犧讀素何反音仍與呼相近也

鬻字注涖也水部別有沸字注云畢沸濫泉畢沸之上

疑有某也詩曰四字詩蕩如沸如羹湯之沸爲沸水之

沸爲沸俗以沸爲沸字廢不用

鶴壽案司馬相如上林賦云洽漑鼎沸嚴

夫子哀時命云氣滯滯其若波今俗既改滯爲漑而亦改沸爲沸矣

孔部輒字注食飪也从孔羣聲易曰輒飪殊六切今易

作亨飪俗以烹熟之熟从火誰孰之孰作孰禮記飯腥

而苴熟漢書皆作孰張騫傳進孰于天子李廣利傳孰

計之何從吾邱壽王傳年歲不孰嚴安傳五穀蕃孰夏

侯勝傳爲學精孰董仲舒傳五穀孰而少木茂相如賦

盧橘夏孰皆是

又部叔字注拾也从又卡聲汝南名收芋爲叔詩七月

九月叔直疏引說文叔拾也亦爲叔伯之字下句似本
說文不然何必贅此言

𠂔部卑字注徐鍇曰右重而左卑案地勢右高左卑若
謂右尊于左則大非詳十七史商榷

𠂔部肇字注从𠂔肇省聲肇當作肇見𠂔部鶴壽案𠂔部肇字後

人所增入也後漢和帝諱肇許于𠂔部載上諱二字則
肇字从𠂔不從𠂔可知後漢和帝紀云孝和皇帝諱肇
字賢引伏無忌古今注曰肇之字曰始音兆許慎說文
肇音大小反上諱也伏侯許慎並漢時人而帝諱不同
蓋應別有所據段茂堂曰古有肇無肇从𠂔之肇漢碑
或从𠂔俗肇乃从𠂔作肇而淺人以之竄入𠂔部中玉篇
曰肇俗肇字五經文字曰肇作肇訛伏侯作肇與許作
肇不同和帝命名之義取始肇者戶始開也引伸爲凡
始字故伏云諱肇而易之之字作始實則漢人肇字不
行祇用肇字訓始如詩生民傳大戴禮記夏小正傳可
也

證外明所諱者肇也故許云諱肇此則伏許不同之由而今本後漢書正文亦譌作肇矣李舟切韻云肇肇也其字从戈肇聲形音義皆合直小切許諱其字故不爲之解先生疑肇肇爲兩字未之攷爾

教部首注云上所施下所效也古孝切數字注云覺悟也从教从口口尚矇也白聲胡覺切重文學字注云策文數省案胡覺切今人讀學問字正如此南人讀入聲音入喉北人仍呼作去聲讀若效卻以數學分作兩字觀說文二字是一朱子論語注云學之爲言效也人性皆善而覺有先後後覺者必效先覺之所爲乃可以明善而復其初也朱子此注出于心得而深合古義凡人生而尚矇遇師之教擊其蒙乃得覺悟此所謂後覺效

先覺也禮記學記教然後知因故教學相長兌命曰學
學半注云學人乃益己之學半釋文學學上胡孝反下
如字學人胡孝反又音教疏云學學半者上學爲教音
敷下學謂學習也言教人乃是益己學之半也此節經
注甚明古人字多假借上學字特借學爲教耳陸德明
音孔穎達疏每得失參半陸氏以上學別音胡孝反不
讀若教非也以注學人兩讀先音胡孝反亦非也又書
教是也孔疏上學爲教是也而云音敷非也原陸孔所
以誤者因晉人僞造說命謬改作敷學半意以作敷則
不必假借不知學卽敷之重文妄謂敷雖音效乃教人

義非自學學方是自學遂使陸孔相沿混入迷塗文王
世子云凡學世子及學士必時釋文學戶孝反教也小
樂正學干籥師學戈學舞干戚同此則無誤豈非禮記
假借學字爲教字之明證乎凡事必從師爲學貴有本
人須先識得一學字知此字在教部欲學必從教入不
可師心自用方得學中門戶也鴻壽案教字从攴孝攴
小擊也書曰攴作教刑
音普卜反李仿也學者仿而像之从子攴聲音古有反
上所施故从攴下所效故从子孝與孝音義俱異而俗
从孝作教失之矣學篆文也教古文也教
與教音義俱同而俗讀教爲效又失之矣
史記張釋之傳絳侯豈教此晉夫諜諜利口此以音同
借教爲效

卜部貞字注一曰鼎省聲惠云籀文以鼎為貞字故云
从鼎省

用部首注云从卜中臣鉉等曰卜中乃可用也惠云易
潛龍勿用者占詞卜中便可用

荀字注具也从用苟省會意平祕切人部備字注慎也

从人荀聲平祕切今人以備代荀荀廢不用鵠壽案防

从人全荀之荀不从人此平卷中革部鄰則俗作鞵

則俗作履鞵則俗作履鞵則俗作履鞵則俗作履鞵

障也而俗作鞵鞵火乾也而俗作鞵鞵若過也而俗作鞵

而俗作鞵鞵火乾也而俗作鞵鞵若過也而俗作鞵

也而俗作鞵鞵火乾也而俗作鞵鞵若過也而俗作鞵

世階堂

有舊也史部之教何以从欠也幸部之肄何以从艸也
取部之豎何以从黑也支部效既別作倣矣而又爲効
肝何以从黑也又爲毳既別作倣矣而又爲毳既
別作倣矣而又爲毳既別作倣矣而又爲毳既
俗之不振而乃再三俗之乎然而車輶之轍楊撤之撤
古止用徹也軍陣之陣古止用徹也依仿之仿古止用
放也遨遊也倣慢也蟹螯也古止用徹也依仿之仿古止用
也不可用驅馬之驅也古字少則借用同音之字用部
之用大鐘也借作施用字又借作城庸字庸工字今分
鐘庸之庸爲鏞城庸之庸爲墉庸工之庸爲傭何紛紛
邪若此